



## Tusagassiorfinnut nalunaarut

### Pressemeddelelse

## Nuup Mittarfiata allineqarnissaanut ASN-imut akuersissutip allanngortinneqarnera

Kalaallit Airports Holding A/S-ip ASN-imut akuersissummik nutaamik atuinngikkaluarluni quaannaveeqqutinik aallaqqaammumut pilersaarutigineqartumit allaanerumik atuisinnaanissaa Naalakkersuisunit akuerineqarpoq. Allannguinermi Nuup Qinnorpullu akornanni kangerliumanermi (Malenebugtenimut) erngup pitsaassusiata sunniuteqarfiginerluttussaanginnera peqqutaavoq. Nuup Qinnorpullu akornanni kangerliumanermut (Malenebugtenimut) avatangiisaannilu allani annikinnerpaamik sunniinissap qulakkeerneqarnissaa Naalakkersuisut eqqumaffigaat.

### Quaannaveeqqusersuutini allannguineq

Kalaallit Airports-imit Nuup Mittarfiata Allilerneqarneranut ASN-imut suliap allannguuteqarnera nalunaarutigineqarpoq. Allannguutissami KAIR-ip quaannaveeqqusersuutitut AVIFORM-iinnarmik atuinissaq kissaatigaa, tassalu AVIFORM-imut UREA-mullu akuleriimmumut, suliasamat ASN-imut nassuiaammi allaaserineqartumut taarsiullugu. AVIFORM-ip Nuup Qinnorpullu akornanni kangerliumanermut (Malenebugtenimut) avatangiisinullu allanut sunniuteqarnerlunnginnissaa pillugu uppersaatissanik Kalaallit Airports saqqummiussivoq.

### Aalajangiineq

Paasissutissat, Kalaallit Airports-ip nalunaarutaani saqqummiunneqartut tunngavigalugit Naalakkersuisut aalajangiipput, allannguineq ASN-imut akuersissummik nutaamik piumasaqaatitaqassanngitsoq. Tamatuma kingunerisaanik Kalaallit Airports ASN pillugu nalunaarummi § 8 naapertorlugu ASN-imut akuersissummik nutaamik qinnuteqaateqassanngilaq, tassungalu ilanngullugu ASN-imut nalunaarummik nutaamik tapertassamilluunniit suliaqassanngilaq.

### ASN-imut akuersissummi piumasaqaatinik saneqqutsineq

Aalajangiinermut ilassutitut Kalaallit Airports-ip Nuup Mittarfiata Allineqarnissaanut ASN-imut akuersissummi piumasaqaat nr. 60-imik saneqqutsisinnaanissaa akuerineqarpoq. Piumasaqaammi nunap qaaniit imermik Nuup Qinnorpullu akornanni kangerliumanermut (Malenebugtenimut) kuutsitsinermi tininnerpaaffianiit minnerpaamik 10 meterimut itissusilimmumut

Brevdato: 09-08-2019  
Sagsnr.: 2016 - 9191  
Akt-id: 11312921

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pan@nanoq.gl  
www.naalakkersuisut.gl

kuutsitsisarnissaq piumasarineqarpoq. Piffissami ingerlatsiviusumi Nuup Qinngorpullu akornanni kangerliumanerup (Malenebugteni) imartaata qaavata kvælstoffinit sunnerneqarnissaata sapinngisamik annikinnerpaatinneqarnissaa qulakkeerniarlugu taamatut piumasaqartoqarpoq. AVIFORM-iinnarmik quaannaveeqqusersuineri Nuup Qinngorpullu akornanni kangerliumanerup (Malenebugteni) immap qaavanut kvælstoffinik akulinnik kuutsitsisoqartussaannngimmat piumasaqaat pisariaaruppoq.

Tamatuma saniatigut Kalaallit Airports ASN-imut akuersissummi piumasaqaat 62-imi piumasaqaatip ilaanik saneqqutsisinnaanissamut akuersissummik tunineqarpoq. Piumasaqaammi piumasarineqarpoq ”Aputit, sermiiatit quaannaveeqqutillu sinnikuinik akullit, terminaleqarfimmiit timmisartullu unittarfiiniit aammalu avannarpasinnerusuniit piiarneqartut sivinganernut, Nuup Kangerluata tungaanut kuuttussanut aattussanngorlugit inissititerneqassapput”. AVIFORM-iinnarmik quaannaveeqqutit atuinermi piumasaqaat allannortillugu aputit, timmisartuniit sermiiatit sinnikuinik akullit sivinganernut, Nuup Kangerluata tungaanut kuuttussanut aattussanngorlugit inissinneqartalissapput. Aputit sermiiatinik akoqanngitsut, taamaallaalli quaannaveeqqutinik AVIFORM-inik akullit mittarfiup nunaminertartaanut tamarmiusunut aattussanngorlugit inissinneqarsinnaapput, AVIFORM-imik immap qaanut kuutsitsinermut atatillugu avatangiisinut kingunerluutissat annertunngimmata.

### **Maalaaruteqarsinnaaneq**

Aalajangiinerup matuuma saqqummiunneqarnerani  
Aalajangiinerup matuma tamanut ammasumik saqqummiunneqarneranut  
atatillugu pisarnertut maalaaruteqarnissamut piffissarititaasoq sapaatit  
akunnerinik arfinilinnik sivilissusilerneqarpoq. Aalajangiineq pillugu  
maalaaruteqartoqassappat, maalaarut kingusinnerpaamik septembarip 23-at 2019  
Pinngortitamut Avatangiisinullu Naalakkersuisoqarfimmit tiguneqarsimassaaq.  
Maalaarut e-mail-ikkut [pan@nanoq.gl](mailto:pan@nanoq.gl) aqutigalugu imaluunniit allakkatigut  
Pinngortitamut Avatangiisinullu Naalakkersuisoqarfik, Postboks 1614, 3900  
Nuuk aqutigalugu nassiunneqarsinnaavoq. Maalaarut Pinngortitamut  
Avatangiisinullu Naalakkersuisoqarfimmit Avatangiisinik Innarlitsaaliuineq  
pillugu Maalaaruteqartarfimmut ingerlateqqinneqassaaq.

**Annertunerusumik paasisaqarusunnermi attaveqarfissaq:** Pinngortitamut  
Avatangiisinullu Naalakkersuisoqarfimmi pisortaaneq, Mette Skarregaard  
Pedersen, tlf.: 346476 / 529844 aamma e-mail: [pan@nanoq.gl](mailto:pan@nanoq.gl)